

## Cyngor Sir CEREDIGION County Council

<b>ADRODDIAD I'R:</b>	<b>Pwyllgor Cydlynu Trosolwg a Chraffu</b>
<b>DYDDIAD:</b>	<b>23 Tachwedd 2022</b>
<b>LLEOLIAD:</b>	<b>Hybrid</b>
<b>TEITL:</b>	<b>Adroddiad ar yr adolygiad o Bolisi RIPA ac Arolygiad IPCO (Swyddfa'r Comisiynydd Pwerau Ymchwilio)</b>

**PWRPAS YR ADRODDIAD: Gwybodaeth**

**Y RHESWM Y MAE  
CRAFFU WEDI GOFYN AM Dim cais wedi'i wneud  
Y WYBODAETH:**

**CEFNDIR:**

Dygwyd adroddiad gerbron y Pwyllgor ddiwethaf ar 26<sup>ain</sup> Medi 2022 (gweler adroddiad 26<sup>ain</sup> Medi 2022 yn:

<https://cyngor.ceredigion.gov.uk/ieListDocuments.aspx?CId=143&MId=315&Ver=4&LLL=0>

### **Adolygiad o Bolisi RIPA**

Mae Paragraff 4.47 Cod Ymarfer diwygiedig y Swyddfa Gartref ar Wylidwriaeth Gudd ac Ymyrryd ag Eiddo (2018) yn nodi y dylai aelodau etholedig awdurdod lleol adolygu defnydd yr awdurdod o RIPA a phennu'r polisi unwaith y flwyddyn. Adroddwyd ar Weithgarwch RIPA yn yr adroddiad blaenorol i'r pwyllgor hwn ar 26<sup>ain</sup> Medi 2022. Cafodd diwygiadau i Bolisi RIPA eu cyflwyno'n fwyaf diweddar i'r pwyllgor hwn ar 15<sup>fed</sup> Medi 2022.

### **Arolygiad IPCO**

Yn y cyfarfod o'r pwyllgor hwn a gynhaliwyd 26<sup>ain</sup> Medi 2022, adroddwyd bod cyfarfodydd wedi'u cynnal gyda'r IPCO yn rhan o'i arolygiad. Yn dilyn y cyfarfodydd hyn, mae'r Cyngor yn awr wedi derbyn llythyr gan yr IPCO yn crynhoi prif ganfyddiadau'r arolygiad.

## **Y SEFYLLFA BRESENNOL:**

### **1) Adolygiad o Bolisi RIPA**

Mae'r Uwch-swyddog Cyfrifol wedi adolygu Polisi RIPA ers hynny ac wedi gwneud diwygiadau lle'n briodol i sicrhau bod y polisi'n parhau yn gyfredol o ran canllawiau a deddfwriaeth bresennol gan wneud ychwanegiadau hefyd i adlewyrchu'r gweithdrefnau newydd yn dilyn awgrymiadau a wnaed yn ystod arolygiad IPCO a'i newyddlen chwarterol.

Ceir fersiwn ddiwygiedig o Bolisi RIPA yn **Atodiad 1**, gyda'r Newidiadau Trac yn ymddangos

mewn coch.

Mae'r newidiadau allweddol fel a ganlyn:

- Diweddariad wedi'i gynnwys i egluro na chafodd Brexit effaith awtomatig ar Ddeddf Hawliau Dynol 1998 nac ymgorfforiad y Confensiwn Ewropeaidd ar Hawliau Dynol yng nghyfraith y DU.
- Wedi ychwanegu cyfeiriad at gofnodi gweithgarwch gwylidwriaeth ar-lein gan Swyddogion Dynodedig at ddibenion goruchwyllo.
- Wedi ychwanegu cyfeiriad at bwysigrwydd ymwybyddiaeth staff er mwyn osgoi gadael i bethau lithro'n ddifeddwl i weithgarwch sy'n gofyn am awdurdodiad RIPA.
- Wedi ychwanegu cyfeiriadau at gopi diwygiedig drafft o Gôd Ymarfer CHIS (Ffynonellau Cuddwybodaeth Dynol) 2022.
- Wedi ychwanegu cyfeiriadau at storio a thrin a thrafod data gan gynnwys diogelwch ffisegol offer recordio, cofnod o ddefnydd a'r Atodlen Cadw Corfforaethol.
- Wedi ychwanegu adran ar Adrodd ar Gamgymeriadau Perthnasol.
- Wedi ychwanegu adran ar Ganllawiau IPCO ar Godi Pryder.
- Wedi diweddarau deddfwriaeth.
- Wedi diweddarau hyperddolenni.
- Wedi diweddarau manylion cyswllt.
- Cywiriadau gramadegol a fformatio.

## 2) Adroddiad Arolygiad IPCO

Yn dilyn y cyfarfodydd arolygiad a gynhaliwyd gyda'r Arolygydd IPCO ar 22<sup>ain</sup> a 30<sup>ain</sup> Awst, derbyniwyd llythyr gan IPCO yn rhoi crynodeb o'r prif ganfyddiadau. Ceir y llythyr hwn yn **Atodiad 2**. Cafodd y llythyr hwn ei olygu, ar gais IPCO, gan ddileu enw'r arolygydd ynghyd â llofnod Sir Brian Leveson.

## 3) Ymateb i Arolygiad IPCO

Ymatebodd yr Uwch-swyddog Cyfrifol i Lythyr Adroddiad Arolygu IPCO (**Atodiad 2**) i gyflwyno'r camau a gymerwyd mewn ymateb i'r awgrymiadau a wnaed. Ceir y llythyr hwn yn **Atodiad 3**.

## 4) Cais am Weithgarwch RIPA – Diweddarau E-bost

Mewn ymateb i'r trafodaethau a gafodd eu cynnal yn ystod yr arolygiad ynghylch amllder dim gweithgarwch o ran gwylidwriaeth ar-lein, crëwyd templed e-bost newydd a fydd yn cael ei ddefnyddio wrth wneud cais i Swyddogion Dynodedig am adroddiadau chwarterol ar weithgarwch gwylidwriaeth ar-lein. Bwriad y templed wedi'i ddiweddarau hwn yw rhoi mwy o eglurder o ran y wybodaeth y gofynnir amdani. Atodir y templed e-bost hwn yn **Atodiad 4** er gwybodaeth.

## 5) Newyddlen Chwarterol IPCO

Mae'r IPCO wedi cyhoeddi ei newyddlen chwarterol ar gyfer Hydref 2022. Mae ar gael ar wefan IPCO yn <https://www.ipco.org.uk/publications/correspondence/> ac fe'i hatodir i'r adroddiad hwn yn **Atodiad 5**.

**LLESIANT  
CENEDLAETHAU'R  
DYFODOL:**

**A gwblhawyd Asesiad Effaith Na  
Integredig? Os na, nodwch pam**

**Crynodeb:** Darperir yr adroddiad hwn er gwybodaeth yn unig  
ac nid yw'n cynrychioli newid polisi neu strategaeth.

**Hirdymor:**

**Integreiddio:**

**Cydweithio:**

**Cynnwys:**

**Atal:**

### **ARGYMHELLIAD/ARGYMHELLION:**

Bod y Pwyllgor:

- 1) Yn nodi cynnwys y copi drafft diwygiedig o Bolisi Corfforaethol RIPA a'r Ddogfen Weithdrefnau (**Atodiad 1**);
- 2) Yn nodi cynnwys Adroddiad Arolygiad IPCO (**Atodiad 2**);
- 3) Yn nodi cynnwys ymateb yr Uwch-swyddog Cyfrifol i Adroddiad Arolygiad IPCO (**Atodiad 3**);
- 4) Yn nodi cynnwys y Cais E-bost wedi'i ddiweddarau am Weithgarwch RIPA (**Atodiad 4**); ac
- 5) Yn nodi cynnwys Newyddlen Chwarterol IPCO ar gyfer Hydref 2022 (**Atodiad 5**).

### **RHESWM DROS YR ARGYMHELLIAD/ARGYMHELLION:**

Gwneud yn siŵr bod y pwyllgor yn cael y wybodaeth ddiweddaraf o ran diwygiadau i Bolisi RIPA a chanlyniad Arolygiad RIPA ar y Cyngor yn ddiweddar gan IPCO.

### **Atodiadau:**

**Atodiad 1** – Copi Drafft Diwygiedig o Bolisi Corfforaethol a Dogfen Weithdrefnau, Deddf Rheoleiddio Pwerau Ymchwilio (RIPA), Hydref 2022

**Atodiad 2** - Gwyliadwriaeth IPCO ac Arolygiad CHIS - Cyngor Sir Ceredigion 16 Medi 2022

**Atodiad 3** - Ymateb yr Uwch-swyddog Cyfrifol i Arolygiad IPCO

**Atodiad 4** – Cais am Weithgarwch Gwyliadwriaeth Gudd i Swyddogion Dynodedig

**Atodiad 5** - Newyddlen Chwarterol IPCO, Hydref 2022

**Enw Cyswllt:** Elin Prysor

**Teitl:** Swyddog Arweiniol Corfforaethol - Cyfreithiol a Llywodraethu (a Swyddog Monitro)

**Dyddiad yr Adroddiad:** 02/11/2022

**Acronymau:** RIPA: Deddf Rheoleiddio Pwerau Ymchwilio 2000  
SRO: Uwch-swyddog Cyfrifol  
IPCO: Swyddfa'r Comisiynydd Pwerau Ymchwilio